

**Roma Sancta sive Benedicti XIII. Pontificis Maximi &  
Eminentissimorum & Reverendissimorum S. R. E.  
Cardinalium Viva Virtutum Imago Æri & literis in  
perennaturam Virtutum memoriam incisa**

**Conlin, Johann Rudolph**

**Augustæ Vindelicorum, Anno MDCCXXVI**

**VD18 10209328**

Cardinales Episcopi

---

[urn:nbn:de:hbz:466:1-72633](#)



## CARDINALES EPISCOPI

No. I.

# FRANCISCUS JUDICE NEAPOLITANUS.

**F**ranciscus Episcopus Ostiensis, & Velternensis, Cardinalis Judice Neapolitanus, Archiepiscopus Montis Regalis in Siciliâ, Sacri Collegii Decanus &c. natus est 7. decembris anno 1647. ex illustrissimâ apud Neapolitanos Judicium familiâ, quam ipse novo gloriae additamento orbi magis illustrem reddidit. Altissimo dotatus judicio, principum aularum negotiis unicè natus videtur, quæ tamen ita semper exantlavit, ut virtutes; quas eximias possidet, unicè in concilio haberet, nec præter illarum præscriptum quidquam unquam ageret; justitiae etiam tenacissimus, ad illius trutinam cuncta exigit. Pontificiorum jurium, rara regiorum ministrorum libertate, acerrimus propugnator perpetuò existit. Fides, in quamecumque se partem daret, inviolata mansit. Denique in utrâque fortunâ magnus, suicè viator animus tranquillâ statione sua deiici nunquam potuit. Is primò omnium Protonotarium Apostolicum in aulâ Romanâ egit. Postea in Clericum de Camerâ (quem vulgo Chierico di Camerâ nuncupant) assumptus est; & cùm in eo summa omnia reperirentur, ab Alexandro VIII. Pontifice Maximo commendatitiis Caroli II. Regis Hispaniarum literis haud gravare datum est, ut *Sacro Purpuratorum Collegio* 13. Februarii anno 1690. adlegeretur: quo honore auctum Carolus *Sacratiori Regis Regiminis* concilio non modo annumeratum voluit; verùm etiam summa regni negotia per hujus viri incomparabilem soleritatem in aulâ Romanâ sub exitum elapsi saceruli procurari demandavit. Postquam Carolus II. è vivis excessisset, cruentum Europæ bellum post se relinquens, Eminentissimus Purpuratus Philippum V. Andegavensem, quem integra Hispania, pleno veluti torrente abrepta, receperat, una secutus est, optimum tunc quidem eum judicans, cui possessio suffragaretur; Et Hispania statim sensit, quantus vir suis partibus accesserit, cùm faciundiâ summus in quamecumque partem peroraret, pronas omnium voluntates ocyùs attraheret. Ergo dignissimus judicatus, qui provinciarum regimini admoveretur, à Philippo V. anno 1702. Sicilia immisus est, ut proregis potestate hoc regnum administraret, quod molli tunc quidem manu inter bellorum nubila tractandum ipse mitissimo instructus ingenio ita rexit, ut felices se reputarent Siculi, qui sic denique regerentur. Anno 1706. Insulâ excessit; quam tamen non ex toto destituere visus est: nam *Archiepiscopus Montis Regalis* in Siculo regno nuncupatus paternas curas suas in hanc usque diem eò extendit. Anno 1708. Indiarum etiam Patriarchatum obtinuit, ultra vastum oceanum inclytum suum nomen propagaturus. Postea *summi Inquisitoris* munus per Hispaniam Zelosè exercuit; quo qui-

quidem oculatissimo judicio felix Hispania erroneas quascunque Sectas suo è finū perpetuò exclusit. Et quamvis Belgarum populos hujus inquisitionis terrore concusso, prioribus sacerdatis à regibus suis æquè, ac ab avitâ religione deservisse vide-rimus, maluit tamen orthodoxa Hispania unius abscessione brachii reliquum regni corpus integrum servare, quam apud se vel unicum subditum tolerare, qui Deo denique subditus non esset. Neque tamen intra hoc stitit Regis Hispaniarum in prudentissimum purpuratum propensio; Enimvero quantum fidei Philippus V. in eo collocarit, luculento satis argumento sit, quod filium suum Ludovicum Asturiae Principem, in spem tantorum dominatum genitum, ejus curæ unicè committeret. Hunc quidem Patre amplissimâ monarchiâ raro potentum miraculo se abdicante, Hispaniarum & Indiarum Dominum orbis vidit; sed in florentissimâ ætate præproperò fatô, dum hoc scribo, abruptus, luctuolo satis exemplo docuit, quod mors invida magnificas æquè regum fores, ac laceras pauperum tabernas, utrumque admittendus nullo discrimine pulset. Ut tamen Sacro Inquisitoris muneri Eminentissimus Purpuratus se totum impenderet, Ludovicum I. cui Spiritum prudenter & pietatis jam magna ex parte insufflaverat, Duei de Popoli ulterius informandum permisit. Subinde in Hispania hoc etiam inter egregia ejus facta commemorandum egit, ut Pontificius inquisitor aliquot tractatus gravissimâ censurâ castigaret, qui principum sacerdotalium potestatem ita efferebant, ut Pontificiæ authoritati multum detraherent. Unde unde démum offensionum nubila suborta fuerint, certè aula brevi aliam faciem induebat, & tam insignia eximii viri merita inimica grando momentò citius prosternebat; verùm ea est genuinae virtutis indoles, ut ubivis gentium admiratores inveniat & cultores: Nam non modò Clemens XI. Pontifex Maximus tam præclarum principem summo benevolentia affectu Romanum reducem complexus est; sed Augustissimus insuper Imperator Carolus VI. tantæ sapientiae Antistitem ad suas traductum partes impensisime fovit; cuius equidem partes Eminentissimus purpuratus eò proniùs suscipiebat, quod tam justum regem Neapolitanò in solio legitimè regnantem Neapolitanus ipsem intueretur. Exinde Sacratori Cæsaris Confilio, ubi quot capita, tot sapientiæ magistros reperias, ipse inter sapientiæ choragos numerandus adlectus est. Nec minus Ecclesiasticam Rem-publicam piissimis æquè ac prudentissimis curis perpetuò amplectebatur. Certè hoc Episcopo felix aliquando Capua, suas sibi delitias renasci credebat. Palestrina non tam fano fortuna olim nobilis erat, quam hujus principis pastorali curâ se fortunatam senfit. Urbs Tusculana eo etiam Episcopo gavisa est; credo ut facundissimus hic Cicero suum Tusculum nanciseretur, ubi in admirabilem eloquentiam sacrum solveret. Modò Ostiensis civitas eum Sacrorum Antistitem amplectitur, cui e-quidem ostium irremissâ pastoris curâ pandere ad cœlos videtur. Nec etiam Velitra pri-scâ Volscorum gloriâ tantùm gloriantur, quantum hujus Antistitis lui magnificentissimo nomine illustratas se sentiunt. Mons Regalis in Sicilia Regale eius Sacerdotium in ex-celso gloriæ positum venerabundo nutu suspicet. Christianus denique or-bis, in cuius charitatem se eviscerat, sincerissimo affectu fovet, quatenus MVLtpLICet Ut PhœnIX DlEs.



No. II.



No. II.

## FABRITIUS PAULUCI- US FOROLIVIENSIS.

**F**abritius Episcopus Portuensis Cardinalis Paulicius Foroliviensis Sanctissimi Domini Nostri Papae Vicarius, & Secretarius Statutus natus est 3. Aprilis anno 1651. ex illustrissimā apud Forolivienses Comitum de Calbulo prosapiā, ex quā elapsō saeculo floruit Franciscus Paulicius, qui sacræ Themidis prodigium visus, multorum principum gravissimas causas admirabili prudentiā in aulā Romānā pertractaverat. Vivere ceperat anno 1581; exinde necdum decem annos supergressus Romam pervenit, nobilem animum in Collegio Romano scientiis imbuturus. Postea famosissimus Baronius suas illum in aedes transtulit, nec potuit non fieri maximus, cūm tanti viri doctissimo consortio frueretur, & ex illius disciplinā probè efformaretur. Denique Cardinalis Aldobrandinus, scientiarum elapsō saeculo Phoenix ad sua traductum ministeria penitus perfecit. Sub Paulo V. Auditor Cameræ Apostolicæ nuncupabatur. Gregorius XV. Complures insignes episcopatus eidem obtulit, quos ille mirā animi modestiā recusabat. Sub Urbano VIII. referendarium utriusque signaturæ insigni solertiā agebat; hinc statim ab eodem Urbano Consultor inquisitionis, & episcoporum examinator denominabatur. Sub Innocentio X. multos hostes nanciscebatur, cūm non saeculo, non hominibus astimatis, inconcuso studio pro veritate staret; eas tamen omnes difficultates feliciter eluctatus, ab Alexander VII. anno 1657. ad purpuræ honorem vocabatur, multorum destinatione etiam in summā aetate pontifex futurus, nisi pene octogenarium ante Alexandrum VII. factum surripuisse. Forolivienses tam insigni Patriotæ in publico foro statuam posuerunt, quæ decantatissimum tanti viri nomen posteritatil perpetuò loquetur; nec minus ex illius felicissimi ingenii partu viginti doctissima manuscripta prodierunt, quibus ille in memoriā posteritatis perpetuò vivet. Habemus hic brevi quopiam compendio descriptum nostrum Eminentissimum Purpuratum Fabritium Paulicum, priori illi Francisco, si utriusque casus probè conferamus, per omnia adeò similem, ut non prior ille excessisse, sed immigrasse in alterum videatur. Certe illi mortalium oculis subducto, ceu occiduo Hespero novus oriens felicitatis Bosphorus, Fabritius successit, sua fortunæ ipsemē futurus faber; siquidem in ædificando tantæ sapientiæ Palladio, quod sola virtus perfecit, fortuna nullam partem sibi vindicare valeat. Planè eximias animi dotes, principe Viro dignissimas, antistes integerimus possidet; & quam parū absuit, ut virtutibus suffragantibus in illud se solium evectum videret, unde triplici tyarâ mytratus præsul Sacro Orbi jus diceret. Huic eum spei quam proximè admovebant elata penè supra humanum sapientia, rerum forensium pertractandarum admiranda solertia, & in juribus Pontificiis propugnandis inconcussa constantia, quibus accedit magnanimus animus, difficillimis etiam Sacræ Rei.

Reipublicæ temporibus semper serenus, nec pacificâ cœli sui statione unquam dejiciendus; addamus juris & æQUITATIS JURATISSIMUM STUDIUM, cuius tenaciores paucos reperiemus; præterea VIRTUOSISSIMA VITÆ TAM CONSTANS IN EO TENOR SEMPER EXSTITIT, ut sibi prorsus idem nunquam non staret; hinc populi Romani STUDIA MIRE SIBI CONCILIavit, non aliis equidem artibus, nisi quod in omnes beneficus esset, nec ullus ei unquam displiceret, nisi cui virtus. Antequam sacram purpuram obtineret, gubernatorem in urbe Romana agebat, & ita agebat, ut eō denique vix alter justior unquam fuerit. Anno 1697. Colonias Agripinas Pontificius nuntius missus est; inde anno in sequenti nuntius extraordinarius Poloniam intravit; nam cùm Polonia intestinis dissidiis jam tunc miserè dilaceraretur, vir maximus immittendus erat, qui dissensionum nubila sua serenitate discuteret; & egregius pacificator exulceratos procerum animos tunc quidem utcunque composuit. Redux factus, Ferrarensim episcopatum meritissimus vir obtinuerat; & quantum paulò ante in cilibus negotiis feliciter exantlandis perfecerat, tantum pastoralis sollicitudinis in commissâ sibi grege fideliter pascendâ postea exhaustus. Hinc ab Innocentio XII. proprio motu (si quidem opus voluntarium dicere velis, quod virtus expressit) sacræ ecclesiæ purpuratis annumeratus est; tunc quidem recusanti honor ingerebatur, quem ita gerebat, ut ornamentum non accipere, sed dare ipsi dignitati videretur. Apud Clementem XI. Innocentii successorem tantâ gratiâ valebat, ut maximis consiliis inter Reipublicæ ardua semper adhiberetur; & prout illustrissimus ejus frater sagò inclitus Pontificiis copiis praefectum se vidit, ita Eminentissimus purpuratus pacis artium callentissimus secretarii statûs arduo munere jam tunc insigniter defungetur. Planè cùm belli tempestas longè funestissima in totam Europam detonaret, adversus bellorum fulmina inconcussa stetit hæc humanæ sapientia laurus. Olearum equidem & laurum pacificæ Romæ prætulit, amicabilibus tractatibus Pontificem inter & imperatorem Josephum initis 15. Junii anno 1709. nocte concubia cum Cæsaris ministro marchione de Prie subscribendo; nec unquam felicius solidas noctibus dies maritavit, quācum dissensionum nubila discutiens ex tenebris splendescere lumen fecit. Anno 1710. summi Poenitentiarii perquam honorificum munus eidem conferebatur. Anno 1711. piis manibus defuncti imperatoris Josephi ad aras piissimè parentabat, & in communis orbis luctu, extincto uno Austriae oculo, tristitiam unâ afferebat. Anno 1714. Alexandro Sobieskio moribundo adstitit, ad ultimam luctam heroicum principem tam probè instruens, ut sub ejus manibus mori dulce denique fuerit. In Quesnelliensis erroribus profligandis tam strenuus semper Zelator fuerat, ut Gallia eō fermento expurgata hujus Principis justæ censuræ, quā nova dogmata flagellabat, multum debeat. Anno 1715. ex presbyterorum ordine ad episcopos translatus, Albanensi ecclesiæ præficiebatur. Anno 1721. Generalis Vicarius summi Pontificis declarabatur. Inde Clemente XI. è vivis excedente, prope erat, ut in pontificem maximum eligeretur, complurium purpuratorum suffragiis, & plebis Romanae ardenter desideriis in eum collineantibus: enimvero ad sacrum conclave iturus populi coronâ cingebatur, & percipiebantur palam erumpentium animorum studia, multis acclamantibus, ut qui purpuratus Mystra sacram conclave intraret, non nisi triplici condecoratus tyara inde egrederebatur; Sed tantam dignitatem meruisse placidissimo seni fatis erat, & ab omni ambitu alienissimus haud gravatè secum ipse habitat. Postea etiam apud Innocentium XIII. in summo pretio hoc sapientiæ gemma exstitit; eo etiam ad superas oras triennio abhinc avolante, Benedictus XIII. eodem in hunc sapientiæ Apollinem cultu ferebatur, dignissimum judicans, in quem Summum secretarii statûs officium noviter transferret, quo is tanta sui commendatione sub Clemente XI. defunctus jamdum fuerat. Certè in summo etiam senio acer & vegetus, fidelissimum ecclesiæ ministrum nunquam non agit; qui denique cum Gorgia Leontino se felicissimum reputare posuit, eō quod nihil habebat, quod senectutem suam, hucusque dimenso per summas virtutes vitæ curriculo accuseret.



No. III.

## FRANCISCUS PIGNATEL- LUS NEAPOLITANUS.

**F**ranciscus Episcopus Tusculanus Cardinalis Pignatellus Neapolitanus Archiepiscopus Neapolis natus est anno 1652. 6. Februarii. Ortum suum refert ad decantatissimam Pignatellorum Prosopiam, quæ ditionibus per Regnum Neapolitanum adeo invaluit, ut ducatus ac Marchionatus *Bifaccia*, *Montcorvino*, *Spinazzola*, *Castellanetta*, *Monteleone* &c. &c. virtutum æquè ac opum ditissima familia possideat. Ex ea sydus longè illustrissimum exorum est Innocentius XII. Pignatellus, tam recentibus in Christianum orbem meritis, ut omnium adhuc oculis gratissimæ sui recordatione obversetur. Attamen pacis observantissimus in ea tempora Pontificatum suum incidisse indoluit, quibus Christianus orbis perpetuis bellorum motibus concutiebatur; Id tamen sumimi solatii loco habuerat, quod antequam moreretur, orbem pacatum videret; præsertim Hungariæ ab impotenti turcarum tyrannide victoribus Austriae, à coelis adiutæ, armis vindicata. Sed cùm abstersâ bellorum fuligine pacis limina clauderentur, contrâ sexcentesimo saeculo ad finem deproperante, sacra porta Christi Vicario aperienda esset, mors invida obstitit, quo minus pene integræ ejus seculi Phoenix exoptatissimo officio defungeretur; nam antequam ille portam aperiret, mors vitæ ostium clausit. Eo quidem rebus humanis subducto, in mundi & gloria theatrum successit Eminentissimus noster Purpuratus Franciscus Pignatellus, Innocentii XII. ex fratre ejus Julio non degener pronepos, & avitarum non minus ac propriarum virtutum radiis pulcherrimè rehites. Enimvero Religio, constantia, probitas, & mentis integerrimæ sinceritas, nec ullis lassata difficultatibus magnanimitas, hisque omnibus suppar sapientia penè supra hominum fortè laudabilissimum Antistitem evehere videantur. Anno 1700. *Pontificius Nuntius* ad Polonus missus est, ut pacis interpretem ageret, quam per dissensiones inquietæ gentis obtinere non licuit. Inde redux factus Viennam attingebat, ubi Leopoldus Imperator sapientum cultor mirificus, eximium virum magnificè amplexus est, nihil obsequiorum prætermittendo, quibus Maximini Pontificis dignissimum nepotem veneraretur, de quo jam tum summa omnia multorum opinio augurabatur. Anno 1703. ab Ecclesiâ Tarentinâ, cui laudabilissime præerat, ad Neapolitanum Archiepiscopatum translatus est, quem religione & Sapientia ita administrauit, ut difficillimis sacræ Reipublicæ temporibus, cùm inter bella leges jacerent, in nullo unquam Antistes integerrimus offenderet; Religionem equidem comprobabat eximius ejus Zelus, quô pro Ecclesiasticâ immunitate tuendâ juratisimo studio semper steterat. Sapientiam vel ipsa tempora facis eloquèbantur; nam cùm Regnum Neapolitanum bis Dominos mutaret, prudentissimus plànè Vlisses erat, qui integrò illo decennio (tot enim anni ab adepto ejus Archiepiscopatu ad pacem Ultrajectinam interfluxerant) varüs licet undis jactataj navem feliciter ad portum deduxerit; Ecclesiæ etenim suæ unicè curam gerens, nec saeculares potestates curans, tunc demum ut plurimum sapuit, cùm ad tuenda Ecclesiastica jura, quæ saeculi genius diminutum ibat, infraicto animo stare semper visus est. Ergo Clemens XI. Pontifex Maximus Sacram purpuram eodem anno eximis viri meritis concesserat, quam Innocen-

nocentius XII, quamdiu in vivis supererat, licet multis intercedentibus, sanguini non tribuerat. Tunc quidem, cum ad purpuram vocaretur, id singulare contigit, ut ad eam dignitatem acceptandam primus omnium a sanctissimo Patre evocaretur, Iuculentato satis testimonio, quam eximias virtutes Sanctissimus Pater in eo viro repperit, in quo quidem exornando primus ejus labor versaretur; planè tam magnificis laudibus eum in publ cō consistorio, quo purpuratum dicebat, extulit, ut quantum in suo animo meritissimus Princeps regnaret, Sacro ore satis eloqueretur. Tunc quidem temporis, quo hic purpuræ acceptæ nuntius ad ipsum delatus est, in aedibus Lauretanis pro eximio suo in Magnam Matrem studio, eandem venerabatur, utque munificentia sua perpetuum monumentum relinquere, Christi è cruce penduli imaginem, gemmis exornatam, & ad duodecim facile millia scutorum Romanorum affimatam, parthenis aris aurea liberalitate donum obtulit, dignissimus, qui Marianis verè ignibus æstuans, Parthenii cultus sui in eo potissimum loco fructum perciperet, & coeli dominæ eam dignitatem in acceperis referret. Inde Pisaurum delatus, rubrum galerum a grandi Pontificis Nepote Hannibale Albano ad se delatum reverenter accepit, satis dignoscens, quam propensò in se animo Sanctissimus Pater esset, cum ad se exornandum maximi Nepotis ministerio uteretur, quem & ipsum jam tunc sua merita ad purpuram vocabant. Cum anno 1706. Carolus VI. vicitribus æque armis, ac populi votis regnum Neapolitanum sui juris faceret, eum haud gravatè Regem suum agnovit, quem ipsi cœli non huic modò regno, sed orbi universo, quem meritis complectitur, immissoevidentur Ergo ad Cardinalem Grimanum, Summum Cæsaris in aulâ Pontificiâ ministrum maximo comitatuse conferebat, sua novo Regi obsequia contestaturus; quem quidem Eminentissimus Purpuratus Grimanus ita accepit, ut multum sibi de tanti viri ad Cæsareas partes accessu congratularetur. Quadriennio abhinc Eminentissimus Pignatellus huic Maximo Cæsaris Ministro vices abundè reddidit. Nam cum is prorex Neapolitanus animam ageret, Zelosissimus Archiepiscopus a moribundo nunquam recessit, & ad ultimam luctam Christianum Athletam probe armavit, summo solatio inde percepto, quod nullo mortis metu morientem videret, utpote in cœlos, quos meritis præoccupaverat, avolaturum. Ao. 1709. Agnata ejus Maria Anna Pignatella cum Illustrissimo Sacri Romani Imperii Comite Joanne Michaële de Althan, aurei velleris Equite, & summo Cæsarei stabuli præfecto, primæ admissionis apud maximum Imperatorem ministro matrimonio juncta est, quo factum est, ut princeps *Pignatellorum* familia cum compluribus illustrissimis Germania dynastis affinatum fœderibus innecteretur. Eadem illustrissima familia nobilissimos Caraffas sanguine complectitur; prout *Eminentissimus Purpuratus* agnatum Caraffam in templo S. S. Trinitatis Neapoli in Episcopum Larissæ consecravit, pluribus veluti fulcris Ecclesiam suffulturus. Anno 1716. Hebræum ad Christiana Sacra traductum, suis ipse manibus lustralibus undis abluebat, & ut totum Pignatellorum beneficium esset, a nepote suo Marchione de Monte Leone, Proregis Neapolitani filio, è sacro fonte levari curavit. Anno 1719. a Clemente XI. Romam evocabatur, qui de summis rebus, nunciaturam Neapolitanam concernentibus, prudentissimum principem in consilium adhibebat, quem etiam Sabinæ Episcopum tunc quidem nominavit, eum ex Diaconorum ordine ad Episcopos transferendo. Ipse etiam Augustissimus Imperator, ut fidissimos Pignatello Cæsareā authoritate magis magisque orbi redderet conspicuos, Nicolaum Pignatellum principem de Monte Leone anno 1719. proregem Siciliæ nominavit, & Pignatellum marchionem Sancti Vincentii, Supremum belli mareschallum in regno Neapolitano creavit, legione equestri ejus fidei commissâ. Anno 1720. Eminentissimus Purpuratus plenariam peccatorum veniam per regnum Neapolitanum promulgari jussit, ut divinam iram placaret, & pestiferam luem, qua urbs Massiliensis miserè depascebatur, procul à patriæ finibus arceret; tunc quidem optimi omnis loco habitum est, quod concretus Divi Januarii sanguis, in crystallino vitro conclusus, cum Sacro ejus capiti propiùs admoveretur, recentibus guttis Stillaret, insigni hoc prodigio in hanc usque diem durante, & quam gloriosus Deus in Sanctis suis sit, manifestissime demonstrante. Ceterum Eminentissimus hic Purpuratus tribus conclavibus pro eligendis novis Pontificibus ita interfuit, ut in spem summi fastigii nunquam non ipsem veniret. Enimvero cum religione summus existat, summa hac dignitate se dignissimum nunquam non præstiterit; planè Sacerdos magnus, qui in diebus suis placuit Deo, & inventus est justus, stolâ gloriae haud dubiè induetur in cœlis, aeternum triumphaturus.



No. IV.


## FRANCISCVS BARBERINUS ROMANUS.

**F**ranciscus Episcopus Praenestinus Cardinalis Barberinus Romanus natus est 13. Novembris anno 1662. ex illustrissimā Hetruscos inter Barberinorum familiā; nam gentilitium caitellum, Barberino dictū, Florentiam inter & Siennam hodiecum conspicitur, unde toti inclytæ prosapiæ nomen, cùm anteà Barberini Castellinorum nomine vénirent. Décantatissima hæc Barberinorum familia quamplurimos togā & sagō præclaros viros publicæ luci dedit; Ego ceteris prætermisssis, qui longam dē se scribendi materiam historicis præbebunt, duos aggredior. Imprimis Maphaeum Barberinum, postea Urbani VIII. nomine in cathedram Petri evocatum: & post illum tanti Patrui dignissimum nepotem Franciscum Barberinum, Eminentissimum Cardinalem nostrum; quod nobile par maximis in Christianam rempublicam meritis effecit, nē quis in Europā nostrâ terrarum anguis sit, qui Barberinorum nomen ignoret. Urbanus equidem Pontifex creatus inter Reges Galliarum & Hispaniarum pacem conciliavit, pacis interprete Cardinale Francisco Barberino nepote in Galliam missō: Inde Basilicam Sancti Petri, Stupendam illam molēm, absolutam consecravit 18. Novembris anno 1626, in cuius quidem fabricam quadraginta tres auri millions impensas referunt. Postea anno 1629. Beato Andreæ Corsino Floréntino ordinis Carmelitarum cœlestes civium honores dētulit anno 1629. Triennio ante Sanctorum fastis adscripsérat Sanctam Elisabetham Lusitaniae reginam; sic fidissimos orbi Patronos, sive perpetuam uniuersitatem memoriam reliquerat. Idem Portum Centum cellarum, vulgo civita vechia dicum à prædecessoribus inchoatum absolvit. Nec mihius Principibus Apostolorum magnificestissimum mausoleum exstruxit, arāmque maximam sub eo constituit. Adriani molem novis propugnaculis reddidit firmiorem anno 1628. In agro Bonnoniensi firmissimam arcem, quæ ex suo nomine Urbano dicitur, validissimis propugnaculis, gēmino vallo, nēc non gēminā fossa circumdedit, ad Pontificiam ditionem magis magisque tuendam. Arcem castri Gandulphi ampliavit & hortis amoenissimis instruxit anno 1629. Montes Pietatis ad egenitum & alieno ære oppressorum levamen in urbe fundavit anno 1639. Quirinali palatiō multa aedificia addidit, familiae Pontificie pernecessaria An. 1638. Amplissimā horrea ad populi necessitates sublevandas exstruxit An. 1639. Magnam urbis partem, civitatem imprimis leoninam moenibus incinxit An. 1644. Idem Diva Martinæ corpus ex Marmertino carcere adinvenit. Aedes Sanctæ Bibianæ, S. Anastasiae, & S. Caji Pontificis, nec non Ecclesiæ Beatæ Virginis Mariae Conceptæ, & Monasterium Incarnationis Christi sumptuosissimè exstruxit. Hæc aliisque complura opera Barberini fuere; nunc descendendum ad inclytum Nepotem Franciscum Barberinum, de quo hic Sermo. Cardinalito Collegio adlectus est ab Alexandro VIII. 13. Febr. An. 1690, dignissimus planè purpurā Princeps, in quo quidem ad exactam viri undequaque

E

per-

perfecti ideam nihil desideres. Eximia prudentia omnes actiones ejus insigniter commendat. Summus ingenio in altissima quæque vix unquam fallentibus conjecturis penetrat. Gravissimorum negotiorum molam nullis laßandus difficultibus sustinet. Conceptis semel prudentissimis consiliis virili constantia adhaerescit; affectibus etiam tam probè compositus, ut tranquilla animi, in lœta pace triumphantis Statione nunquam dejici possit. Cum Summus Pontifex ei biretum imponeret, & pacis osculum figeret, Sacrato ejus capite Insula decidit, multis multa ominantibus; ceu Pontificia tyara neopurpuratus aliquando condecorandus esset: Merita planè, cur condecoraretur, nunquam defuerunt, si quidem idem cœlum plures soles caperet. Postea apud Rennates Pontificis legatum egit, nec præsentiore cura subditorum necessitates sublevare ullus visus. Anno 1697. Regni Poloniae Protector denominatus est; Hinc Augusto Saxonem ad regium fastigium evocatō, exquisitissimā neutiquam pompa defuit, qua suum ob hunc principem in maternum æquè Sacrae Romanae Ecclesiæ gremium ac Poloniae solum receptum, medullitus haustum gaudium contestaretur; Ante omnia in Ecclesiā Sancti Stanislai Polonorum Tutelaris Ambrosianum hymnum solenni ritu intonari curavit, latus ex Wittekindi potissimum perpetuista prosapia reperiri, qui orthodoxam fidem, ab illo haustam, sed temporum calamitatibus in illis regionibus intercedentem, noviter amplectetur. Anno 1701. Pontificia sede vacante, pro Francisco Albano, postea Clemente XI, in Romanum folium evehendō eo firmius stabat, quod optimū orbis rectorem futurum prudenter conjecturā præsentisceret. Subinde mitissimi animi Princeps Solam pacem inter medios bellī turbines semper in ore ferebat; Planè rebus anno 1709. ad bellum spectantibus, non creditit externorum militum injurias in solum Romanum asperioribus remediis irritandos. Anno 1713. Comitem Gallasium, Cæsaris in aulā Romanā ministrum, longissimā centum & novem currūm pompa quam magnificentissimè Romam ingressum, 12. Maij ad summi Pontificis conclavē peroraturum introduxit; Tunc quidem ottomanicus Tyrannus grave Reipublicæ Christianæ exitium minitabatur, & ipsam Romanam, stolido somniō cogitabat. Verum Carolus VI, omnis aetatis ac memorie clarissimus Imperator paulo postea exundantem illum Barbarorum torrentem invicto suo milite ceu objice objecto foriter stitit, ne ultra progrederetur. Paulò anteā Serenissimus Barberini frater, idemque Palestrinæ princeps ducissæ de Sora matrimonialibus foederibus junctus erat, inlycum stemma, Christiani Orbis bono destinatum, novā, nec degeneri sobole beaturus. Anno 1714. res prodigiosa contigit, sellā, è quā tantus princeps, Religioso ex ordine Sancti Benedicti collocuturus, vixdum assurererat, fulmine tacta, & momentō citius absumpta; Infra tamen, hoc pietatis cœlum fulmina serpebant: steterat inconcussa adversus has fulmineas minas Daphnæa hæc humanæ sapientiae laurus; nec etiam grandi orbis commido natus mensuram suam tam citò explevit. Anno 1714. Protectorum fratum minorum Sancti Francisci, quos vulgo Capucinos indigitamus, suscepit, hos solidæ virtutis alumnos, professione minimos, virtutibus maximos, paterno semper affectu complexus, luculentam mercedem sperans in celis, qui eos coeli alumnos nutriret in terris. Anno 1721, ut domui suæ Princeps providus probè disposeret, Fridericum Boromeum hæredem nuncupavit, suarum non minus opum, quam eximiarum virtutum hæredem post se relieturus; Nam Barberinos & Boromæos ab eodem communi stipite descendentes reperio: hinc uno succiso non deficerre alter videtur. Hic idem Eminentissimus purpuratus Mutinensium Duce agnato gloriatur; hunc enim parente Laurenti Barberina progenitum constat. Quo quidem factum est, ut Augustissimam domum Austriacam Eminentissimus Purpuratus affinitatis foederibus una complectatur, dignissimus denique, quem in suum omnes adoptent. Eum quidem in Episcoporum ordinem receptum Ecclesia Palestrina sibi de tanto viro gratabunda suscepit, quem Eminentissimus Cardinalis Paulcius postea inauguavit. Demum prout Eminentissimus Purpuratus Barbarinus, principibus charus in eorum animos pene dominatum exercet, ita virum planè popularem, ejusque commodis inservientem, vulgus amplectitur. Planè apis ista argumentosa mel cunctis præbet, omnibus amabilis, omnibus desiderabilis; adeo ut non sine præfigio maiores stirpis ejus insignia apes fecerint: Scilicet: Dum dominantur apes, copia mellis erit.



No. V.

# JACOBUS BONCOM- PAGNUS BONNONIENSIS.

**J**acobus Episcopus Albanensis Cardinalis Boncompagnus Bonnoniensis Archiepiscopus Bonnoniæ natus est quinto Maji anno 1651. ex illustrissimâ Boncompagnorum Bonnonienses inter familiâ. Est cur Bonnonia doctorum virorum sedes, se summis viris jaet, quos ex decantatissima hac Boncompagnorum domo publicæ luci dedit. Eos inter primatum facilè obtinet Gregorius XIII, laudabilissimus, si quis unquam, Romanæ Ecclesiae Antistes, qui sanctissimis curis orbem complexus utrumque, sacra Christiana longè latèque propagavit. Is in sedandis Belgicis tumultibus totus erat, & Catholicum Belgium suas è communi naufragio servatas reliquias, magna ex parte Gregorio debet. Pro Hugonottis ex totâ Galliâ expellendis ærario Pontificio neutiquam parsit, plus quam quadringentis aureorum milibus Carolo IX. eam in rem numeratis. Viros doctissimos æquè ac piissimos prudentissimo selectu conquisivit, quos in Africam, magnâ spe conversionis afulgente immisit, & lavari æthiopem posse Zelosus Antistes edocuit. In Americanam pene integras optimorum Misiariorum exercitus ablegavit, qui penè, quidquid idolorum supererat, debellarunt. Idem viginti duo Collegia instituit, ut orthodoxam Religionem latius disseminaret. In urbe Romanâ Societatis Jesu amplum collegium fundavit, ne ex urbe orbis principe, ipsi impigri orbis conversores excluderentur. Præsertim Collegium Germanicum pro centum adolescentibus instituit, seu potius à Julio II. jam inchoatum absolvit, redditibus annuis decem millium aureorum ei collegio perpetuò attributis; quod eo fine factum, ut Germanæ nationis juvenes & scientiarum disciplinis probè imbuerentur, & veræ religionis lac à teneris exfugerent, ut in patriam suam remisisti, ceteros aut titubantes corroborarent, aut à vero tramite deflectentes, ad rectam semitam redicerent. Summam etiam diligentiam Princeps justissimus adhibuit, ut latrones & sicarii, quos vulgato nomine banditos appellamus, qui itineribus euntium imminent, ex totâ Italia noxiosissimam hominum facem expelleret. Cùm eo Pontifice Sacrum Jubilæum Romæ anno 1575. celebraretur, tantus peregrinantium accusus factus est, ut sola hospitalis domus Sanctissimæ Trinitatis sâpe eadem die septem aut octo millia eorum exciperet, principibus viris in ministerium peregrinorum intentis, & vel sordidos eorum pedes ablentibus; Gregorio interim immensos sumprus affatim suppeditante. Juris Canonici æquè ac Civilis nobilissimâ scientiâ usque adeo pollebat, ut per integrum Italianum majorem Sacra Themis Alumnum non habere visa sit; plane Gregoriani codices, ejus imprimis operâ confecti, qualis quantusque doctor fuerit, luculenter testantur, & si vel certa desint, Boncompagnorum nomen immortalitati consecrant. Nec minus grande illud beneficium in Boncompagnos redundat, quô veteri calendario Julianò immutatô, novum Gregorianum correcta erratione anni, Christiano orbi propositum est, plerisque etiam adversiorum, ne toto cœlo & anno aberrare viderentur, eam innovationem, in qua præter Gregorii nomen nihil admo-

admodum dispicebat, per Europam passim amplectentibus; paucis etenim mirtutulis pèr annum neglectis, temporis tractu ita eorum numerus excreverat, ut à tempore Nicæni concilii ad annum 1582. dies decem constituerent. Ergo urbs Bonnoniensis Gregorio, è cive quondam suo Sacratioris orbis Domino publicis expensis Aeneam in potiori ædium publicarum aulâ statuam magnificentissimè exstruxerunt, quām si quis probè cum adscripto laudum ejus epigraphi intueatur, ita denique sentiēt, Gregorium mortalium oculis subductum in præclarissimo Nepote suo Jacobo Boncompagno, nostro Eminentissimo purpurato undeaque vivere; & prout illum Reipublicæ bono & patriæ splendori natum, & civem optimè meritum Bononia deprædicavit; ita pariter eadem patriâ velut altissime Sapientiæ Principem Eminentissimum purpuratum Jacobum Boncompagnum intuetur, & ejus sapientiæ oracula, reveretur. Enimvero virtus, doctrina, Religio, & admirabilis solertia, laborumque in seras usque noctes continuatorum, perseverantia hunc Principem perfecerunt. Nil temere loqui, imaginis verae Sapientiæ ubivis parere, quot verba, tot oracula fundere eximio huic viro in consuetis est. Hinc Innocentius XII. virorum doctorum fautor mirificus conjunctam in Boncompagno cum summa nobilitate doctrinam sacrâ purpurâ condecorandam imprimis sibi pitavit, quæ etiam ei tot meritis præcurrentibus An. 1695, obtigit, non alieno ab illustrissimâ Familia honestamento; quippe Philippus Boncompagnus Gregorii XIII. ex fratre nepos, nec non Hieronymus Boncompagnus, qui obiit anno 1684. & post eum Franciscus, qui vivere desit, An. 1695, eadem purpurâ, summis omnium meritis indulta inclarerunt. Postea Eminentissimus Purpuratus honorificentissimum Legatus munus Pontificis in patriâ sua obivit, tantus in civium amoribus, ut nihil agricola, quam abitum illitus Romam An. 1721. perferrent; cum enim civilibus æquè ac Ecclesiasticis disciplinis probè imbuvis esset, callebat equidem omnes lates, utriusque Reipublicæ Sacrae æque ac profanæ ad amissum administrandæ pernecelarias, ita tamen, ut principem locum obtainens virtus, cunctarum denique actionum diribitrix esset, nec etiam se saceruli caris aliter impenderet, nisi ut eas altius, & ad ultimum finem Princeps Religiosissimus ordinaret. An. 1707. domesticum suū curas Eminentissimi Purpurati intenderat; Nam Serenissimus ejus Frater Gregorius, ad quem cum Olympiâ Ludovisio Piombini Principatus hæreditas pervenerat, absque masculo hærede fatis concederat, Principatus hæreditate ad filiam natu maximam Mariam nomine devolutâ. Sed eam ipsam Antonius Boncompagnus Soræ Princeps Eminentissimi Purpurati natu minimus frater matrimonialibus foederibus sibi conjunxerat, dispensatione Pontificia desuper obtenta, ut penes eandem de Christianâ Republicâ meritissimam familiam ampla ea hæreditas maneret: Secundò genitus Frater Franciscus Archiepiscopus Bononiensis jamdum An. 1690. ultimam diem clauserat; quem probatissimarum virtutum Principem fata invida non sinebant esse senem; Jacobo scilicet ad eundem archiepiscopatum Bononiensem viam adornatura. Is in hanc usque diem indefessus pro Ecclesia Dei fortiter tuenda invigilat, & Superum cultui ac sacris aris exornandis, nec dies nec noctes cessando se totum impendit. Et si quidem antecessores ejus draconem gentiliæ parvæ suæ inferuerunt, id ideo præcisè factum arbitror, quod draconem ad portam templi, in quo aureum vellus custodiebatur, excubias egisse, antiquitas tradat; Et Boncompagni in Ecclesiâ Dei fideliter custodiendâ exemplum renovare voluerint.

No. VI.

# FRANCISCUS AQUA- VIVA NEAPOLI- TANUS.

**F**ranciscus Episcopus Sabinensis Cardinalis de Aquaviva Neapolitanus, Protector regni Hispaniarum natus est 14. Octobris An. 1665. ex decantatissimâ ducum Atriæ in regno Neapolitano familiâ; ad quam quidem Atriam, in agro Picentino sitam ortum suum referebat Imperator Adrianus; hinc eadem urbs olim nomine Hadriæ veniebat. Primus, cui Ducis nomen concessum Matthæus Andreas Aquaviva existit, in id fastigii anno 1486. electus: inde Aquaviva tam latè propagati fuere, ut inde ortum suum ducant moderni comites de Flaviano & Conversano, duces de Nardo & Noci, nec non principes de Caserta & Teramo, celeberrima per regnum Neapolitanum nomina. Ad hanc principem familiam pariter refertur Franciscus Regis Societatis Jesu sacerdos, qui Sanctorum fastis à Clemente XI. adscriptus, novo sydere cœlum auxit; verè Aquaviva & fons saliens factus, qui in salutem plurium scaturiret. Denique Eminentissimus Purpuratus Franciscus Aquaviva, qui in nostra tempora, magnorum virorum partu fœcundissima incidit, patriæ suæ decus longè illustrissimum, & humanæ apex sapientiæ videtur. Roma magnitudinem tanti viri deprædicat, Hispania prudentiam experitur, exteræ gentes solidissimum genium, & ad omnem perfectionem efformatum demirantur. Cùm natura dotes omnes, principe viro dignas, in eum liberaliter effuderit, eximia tamen comitas, quâ paucis concedit, principem locum reliquas inter obtinere videtur; & prout in captandis multorum benevolentis efficacissimus creditur, ita promeritas semel amicitias profusa liberalitate excolit. Oris facundiâ tantum valet, ut cùm Sacrum os solvit, pronas audientium voluntates liget. Dein ameno fœcundus ingenio, in gravissimis Sacrae æquæ ac Politicæ Reipublicæ negotiis misérarum nullam à suo confortio arcet, nunquam solus habens, utpote semper cum libris, librorum ipse futurus materia. Gravis incessus grandem in corpore mentem denotare videtur; planè ad Hispanorum modulum & virilem gravitatem, quam in suis exigunt, tam propè accedit, ut peregrinægentis amorem, longiori etiam inter illos commercio, homo licet Italus, facile aucuparetur, nec gravatè sui amatores fecit, quos eximiarum admiratores virtutum habuit. Ad hanc in Hispaniâ obeundam nunciaturam ab Innocentio XII, qui summam in hoc principe sapientiam suspiciebat, destinabatur; quam quidem sibi commissam provinciam gnaviter vir incomparabilis exequebatur, ut non aliter ex Hispaniâ reyocandus videretur, quam sacrâ purpurâ in Summorum meritorum compensationem attributâ. Hâc se à Clemente XI, hujus principis perspectâ prudentiæ omnia tribuenti 17. Maj. An. 1706. condecoratum vidit. Redux ex Hispaniâ factus, patriam suam ex integro immutatam, & juris Austriaci, quæ bellorum vicissitudo est, factam vidit: adhæc principem Joannem Hieronymum Aquavivam, ducem Atriæ, sumque Germanum fratrem, in cuius perspectâ fortitudine Philippus V. tantum fidei collocaverat, ut eum Neapolitanæ militiae cum summa potestate præposuerit, Romæ offendit, quò is, quas semel amplexus fuerat partes, cum fide tuitus se contulerat. Verum Eminentissimi Purpurati immeritum pectus maximo dolore pul-

F

sa-

sabatur, cum Joannes Hieronymus triennio abhinc ex aspermis calculi doloribus excederet, princeps utique dignissimus, qui in patriis sc̄ibis exspiraret, nisi fatorum difficulter eluctabilis necessitas aliud jussisset. Brevi postea Libilitina necdum satiata novum funus superaddidit. Properabat magnis itineribus Romam Anno 1710. Julius Antonius Aquaviva, Eminentissimi Purpurati ex eis Sorore Dorotheā non degener nepos, ut in Maximi avunculi amplexus rueret; Sed in medio itinere ardentissimā feb̄i correptus, ad coelos prius transiit, quam ad optatissimos avunculi aspectus devenire liceret. Jam audi orbis, quod obſtupescas, & prudenti conjecturā conjice, quam procul à fulmine ſapientia lauri absint. Decimo Septimo Junii anni millesimi Septingentesimi decimi quarti Eminentissimus Purpuratus in suis c̄edibus suburbanis, quas Albæ magnificentissimè exstructas poffidet, cum quatuordecim magni nominis hospitibus menſe affidebat. Et ecce, ſubito ſe ſpiffæ nubes cœlo intendebant, & internitentium fulgurum minæ convivas conterebant: mox atrociflma illa tempeſtas fulaen excuſſit, quod menſam tam nobili coronâ cinctam, unacum cibis appofitis ita abſumpſit, ut nemo tamen convivantium, quod prodigii inſtar habitum eſt, vel minimū laederetur: adeo inſra ſuum cœlum fulmina ſerpunt, & nobiliora fata tot inclytis viris debebantur, quam ut cœli ignibus abſumerentur. Subinde, ne quid ad ſummam gloriam maximo Purpurato decesset, grata tot meritis Hispania, eum ſum in aulā Romana principem miniftrum, & potentissimi regni protectorem eſſe voluit; immò magis magisque tantos demeritura viros, principes Aquavivas ita in ſuos adoptavit, ut ad magistratus ecclesiasticos æquè ac forenses, per totum Hispaniarum regnum obcundos, jure indigenatū in eos translato, omnimodè capaces regio induſt declararentur. Anno 1714. Eminentissimus purpuratus ad aulam Parmensem ſe conferebat, neopſam Philippi V. Salutatus, & regiarum nuptiarum ſolemnibus ipſem inter futurus. Regii ſponsi vices in ſolemni illa defponſatione Franciscus Farnesiſus Parmæ & Placentiæ Princeps obibat: aderat unā Eminentissimus Purpuratus Gozzadinus, à Maximo Pontifice gratulatum miſſus Legatus à Latere, Admiratus tunc Eminentissimus Aquaviva fuſile dicitur penē ſtupendam in principe foemina ſapientiam, quæ omnes artes ſuo aut ſæculi genio valentes mirifice calleret, quæ præterquam Italicè, Latinè etiam, Hispanicè, Gallicè & Germanicè tam probè loqueretur, ut multarum denique terrarum incola videretur; quæ insuper venandi ſtudio tantopere caperetur, ut omnes principiſſam Palatinam facile intelligerent, utpote Philippi Wilhelmi Electoris Palatini filiā Dorotheā Sophiā Anno 1692. progenitam; quæ demum pictoria arte ſummopere delectaretur, & in ſeipſa exactam virtutum æquè ac formæ imaginem exprimeret. Anno 1720. Eminentissimus Purpuratus victoriā Hispanorum in Africā de Mauris reportatam trium dierum lætitia proſecutus eſt; primarium etiam vexillum, è maurorum manibus virtute Hispanorum erexit, Clementi XI. muneris loco obtulit, qui eam de Afris victoriā multis deprædicabat, cunctos orthodoxos Principes pro muneris ſui partibus animando, ut gladios in propria non nunquam ſingula haud ſatis laudabiliter strictos eō denique dirigerent, unde major gloriæ ſege & orthodoxæ religiōis incrementum accresceret. Pergat modò Orthodoxa Hispania, & Sacra trophea in Africā figat, aut per Orientales plagas novas victorias extendat; copias jungito Christianissima Gallia, aliquando tot victoriis sub Ludovico IX. eoque Sancto per Palestinam inclyta, Austria non deſto; neque etiam eā, quā eſt pietate deefſe potes, aut publicis Christiani orbis votis unquam defuisti. Tunc enimvero triumphatrix religio in Solymarum & Constantinopoleos mœnibus ſacra trophea indubie figat, nunquam glorioſius triumphatura, quam si juratos Christiani nominis hostes ſub jugum mitrat; Ea Votorum ſumma eſt Eminentissimi Purpurati Aquavivæ, qui Larislæ in Thessaliā Epifcopum ideo ſe aliquando denominatum ſentit, ut aut magnanimum Achillem ibi progenitum exhiberet, aut novus in excelsō Olympo futurus Apollo cum omnibus Muſis doctiflmo verſetur conſortio.